

- Sier Valerio Marzello,
 Sier Zuan Francesco Marzello,
 Sier Tomà Michiel, veludo negro,
 Sier Lorenzo Miani,
 Sier Marco Minio, veludo negro,
 Sier Alvise Gradenigo,
 Sier Zuan Moro, veludo violetto,
 Sier Tomà Moro, veludo alto basso cremesin,
 Sier Bernardo Moro,
 Sier Francesco Morexini,
 Sier Cristofal Morexini, damaschin negro,
 Sier Marin Morexini, qu. sier Piero,
 Sier Polo Nani, alto basso cremesin,
 Sier Zuan Alvise Navaier,
 Sier Antonio Sanudo,
 Sier Marin Sanudo, qu. sier Lunardo,
 Sier Polo Trivixan, veludo violetto,
 81* Sier Nicolò Dolfin,
 Sier Vettor Morexini,
 Sier Bernardo Soranzo,
 Sier Zuan Nadal Salamon,
 Sier Nicolò Valier,
 Sier Zuan Antonio Venier, veludo violetto,
 Sier Andrea Vendramin,
 Sier Ferigo Vendramin, alto basso cremesin,
 Sier Hironimo Zane,
 Sier Marco Zantani, veludo negro,
 Sier Costantin Zorzi, damaschin negro,
 Sier Zacaria Bembo,
 Sier Antonio Bembo, veludo cremesiu,
 Sier Hironimo Querini,
 Numero 84 seda 49.25.

Mancò soliti a venir.

- Sier Valerio Valier,
 Sier Tomà Contarini,
 Sier Lorenzo Falier,
 Sier Marin Morexini qu. sier Polo,
 Sier Filippo Bernardo,
 Sier Alvise Bon,
 Sier Francesco Contarini, qu. sier Polo,
 Sier Hironimo da Pexaro,
 Sier Alvise Malipiero el *grando*,
 Sier Piero Marzello, censor,
 Sier Tomà Mocenigo,
 Sier Lazaro Mocenigo,
 Sier Priamo da Leze,
 Sier Antonio Surian dottor cavalier.

Dil meze di April 1526.

82

A dì primo April, Domenega, zorno di Pasqua. Introno Consieri nuovi di là da Canal sier Marin Corner et sier Luca Trun, intrarà diman sier Vincenzo Capello è amalato; et Cai di XL sier Zuan Agustin Pizamano, sier Marco Querini qu. sier Francesco, et sier Tomà Moro qu. sier Antonio, non più stadi a la banca di sopra, et Cai dil Consejo di X sier Polo Nani qu. sier Giacomo, sier Nicolò Venier e sier Lunardo Emo, stati altre fiade; nè altri Savii di Collegio che ozi dieno intrar per esser il dì di Pasqua, introno. Et reduti tutti in palazzo, il Serenissimo, vestito di restagno d'oro, di dossi e bareta di restagno d'oro, con li oratori: Papa, cesareo, Franza domino Ambrosio solo, Inghilterra, Archiduca domino Erasmo, Milan, Ferrara et Mantova, et sier Alvise Pasqualigo procurator di la Chiesa di sora, tutti apresso il Serenissimo, vene l'avicario aparato di messa con uno candeloto in man, e cussi il diacono et subdiacono, tutti con candeloto in man fino in palazzo, et apresentò un candeloto al Serenissimo, uno al Procuratore, et uno a lui vicario. Eravi *etiam* il Primocerio di S. Marco. Et venuti per piazza in chiesia, la porta granda serata, fate le cerimonie *attollite portas*, etc., et aperta, intrati a mezo la chiesia, el Procurator basò el Serenissimo et do altri oratori, et li oratori un con l'altro per alegrezza di la Resurrection dil Nostro Signor, et poi si disse la messa pascal. Era con la Signoria sier Lorenzo di Prioli el cavalier con beco d'oro, alcune veste di seda; nè altro seguite.

Da poi disnar, il Serenissimo vene in chiesia con il triunfo et cerimonie ducal, con li stendardi, umbrella, la bareta ducal in una confetiera avanti, vestido con manto d'oro soprarizo, et il bavaro di coe di armellini, con la bareta di zoie portà avanti, con li oratori sopraditti, e di più il Baius orator di Franza, in tutto numero 8, et lo episcopo di Baffo Pexaro; non era il Primocerio. Portò la spada sier Domeneago Gritti va retor e proveditor a Catara, fo suo compagno sier Gabriel Venier, in veludo cremexin. Erano 6 Procuratori, sier Alvise Pasqualigo, sier Giacomo Soranzo, sier Alvise Pixani, sier Andrea Justinian, sier Andrea Gusoni e sier Marco da Molin; *solum* 4 Consieri soli, sichè tre Procuratori andono di sotto di Cai di XL. Erano do cavalieri vestiti di veludo cremexin con bechi d'oro, sier Gabriel Moro e sier Lorenzo di Prioli. In tutti eramo, senatori, computà sier Giacomo Soranzo zudeze di Proprio, in